



仙果齋

仙果齋

^ 16
2368
5

洪



佔畢齋集卷之十六



崔台南家有石假山三朶峯巒洞穴玲瓏可愛也欲易其一置之書室傍僕之家無一物可相宜者始用東坡壺中九峯韻呈台甫

君家曾眎碧三峯塵土襟懷忽已空萬里仇池來
脚底千尋圓嶠列庭中松杉隱隱岩崖響烟霧霏
霏洞穴通却恨吾無韓幹馬軒窓那得對玲瓏

五月十五日看月

學道嗟吾晚翻為鬼物欺茫茫人去後故月圓
時鏡匣空餘澤泉臺倘有期不堪池上照露葉滋

雙垂

強欲齊生死蒙莊謾自欺更無相見日那有暫忘
時幃幌只依舊嫦娥如赴期烏巾寬一寸轉覺老
垂垂

十七日月虧又吟

閉戶思玄晏持家藉孟光倏然驚露電誰更問蠶
桑天地今俱老孤鰥我獨傷窓擁空吊影缺月白
荒荒

池上微雨用前韻

柳邊微雨響窗外一池光屢與君憑檻仍教婢採

桑菱生還渡迸魚晒更神傷笑語晨纔隔陂南草
已荒

賀金山李郡守仁亨并叙

昔王嗣宗守邠州擒殺神祠下妖狐時人義
之有聖朝方信有英雄之句今開寧之石佛
其恠愈於妖狐而無敢攻擊祛惑者明府不
以為他境之事而毅然遣卒逐捕妖者焚壞
紙錢使愚民曉然知其為所誤真曠世一奇
事也宋直聞之不覺嘆服姑以唐律一篇為
代賀云

拋擲田桑不記春
頽然拳石有何神
初如求食木居士
漸作撞錢土舍人
男女幾家將汚染
香燈一里欲因循
我侯真是邠州守
擊破妖邪震四隣

與李郡守崔台南三昆季遊直台寺是日郡守還獨與台南宿

閑隨皂蓋歷溝塍
晴日薰風麥已登
款段載吾尋玉板
關梨邀客撤金繩
清泉入盞分晨粥
缺月窺簾替佛燈
三十年前讀書地
松杉依舊碧層層

旭上人遊香山詩次姜晉山韻

妙香雄北極
道里最遼遠
隔海望岱宗
雲氣日往

返我無飛仙
術每有龍虎嘆
師今欲參訪
信誓何旦旦
意行無潤罔
人導一風漢
去時侯虫嘶
歸計春水泮
回首扶桑暎
幾窮涯岸
因師問樵夫
觀棋柯想爛

一上人詩卷次祖謙韻

吾侪之一唯忠恕
共道渠家易落空
莫覓玄珠赤水
上只消飢食困眠中

和子健二首
子健病暑且阻雨
留金陵客館積雨
真成天柱爛
崩濤却向海門歸
湖田一半應漂蕩
甫里今年失所依

詞客謾為梅潦阻奚奴拾得馬通敏冷淘三挽仍
捫腹琴閣清風自可依

與李郡守鄭子健觀漲鄉校前峯

携壺鰲背共徜徉積雨晴來畏景長漱漱一池荷
欲蓋微茫千壑水如湯苓箬岸岸驅魚開簑笠家
家拾麥忙回首金華故意懶玉舟揮罷立斜陽

贈李生翻郡守次子

李子方壯角炯炯秋水神不帶紫羅囊已師古聖
人其兄骨亦秀弱冠意頗淳徐卿積善久並是天
上麟鐵城古多士非獨物產珍無乃扶輿氣二子

鍾其真箕裘可永保經術自潤身苟要月中桂其
則在靈椿突弁且未幾遠猷當持循分陰勿輕擲
勉之惜芳春

醉翁亭和善源元翁韵

金山客舍前有樹下善源亭李郡守請名於善源

善源名以醉翁

柱笏看山酒樂中詩壇堪作老宗工非絲非竹非
花月真樂真同六一翁

虬枝老樹蘸杯中吮墨何人倩畫工引得清風吹
醉面天公應為餉斯翁

麥穗歌宣四境中朝家製錦付良工我來喜與丘

詞客謾為梅潦阻奚奴拾得馬通敏冷淘三挽仍
捫腹琴閣清風自可依

與李郡守鄭子健觀漲鄉校前峯

携壺鰲背共徜徉積雨晴來畏景長漱漱一池荷
欲蓋微茫千壑水如湯苓箬岸岸驅魚開簑笠家
家拾麥忙回首金華故意懶玉舟揮罷立斜陽

贈李生翻郡守次子

李子方非角炯炯秋水神不帶紫羅囊已師古聖
人其兄骨亦秀弱冠意頗淳徐卿積善久並是天
上麟鐵城古多士非獨物產珍無乃扶輿氣二子

鍾其真箕裘可永保經術自潤身苟要月中桂其
則在靈椿突弁且未幾遠猷當持循分陰勿輕擲
勉之惜芳春

醉翁亭和善源元翁韵

金山客舍前有樹下善源亭李郡守請名於善源

善源名以醉翁

柱笏看山酒樂中詩壇堪作老宗工非絲非竹非
花月真樂真同六一翁

虬枝老樹蘸杯中吮墨何人倩畫工引得清風吹
醉面天公應為餉斯翁

麥穗歌喧四境中朝家製錦付良工我來喜與丘

民說醉倚筇溪是若翁

六月十一日辭妻殯發金陵梨川院遇雨

昔與君俱北今朝我獨行
欄門群婢泣穿巷塞驢
鳴蹕愁陰雨休倚短亭
衣裳皆舊製祇覺暑來清

聞慶南十里溪邊有栗樹童可愛小憩

勞經串岬林下可逍遙
雪客立沙嘴玄駒行樹
腰清風時自至碧嶂不須邀
擬待鱸魚美南還聽楚謳

聞慶八詠次韻

主屹神祠

孤雲天一握雄鎮火維中
松栢靈宮裏椒漿賽歲功

串岬棧道

閣道縈雲表谿山乃尔奇
駕駘誇疾步行到此間逢

軒外梧桐

密萬壺葉離千乳枝曾經鳳凰宿
明月起遐思

門前楊柳

吳線條風後飛綿穀雨餘腰肢攪離恨露葉况眉如

萬壑丹楓

青娥吳丹筆岩谷盡神區落日鴉翻影屏風不可無

千崖積雪

迷一夜雲籠月千山雪漲溪行人寒墮指歧路每多

烏井霜鍾

寶刹蓮花漏晨昏往復回鯨音自條理雲外逐風

來

龍潭瀑布

神太始成嵌竇飛流一派新幽陰有奇罟雷電助威

鳥嶺東崖有新亭頗宏麗乃新舊方伯交印面別處也前縣監慎承命所建而無名號余命以交龜驛有進士柳順汀詩次韻

交龜亭上傲乾坤不覺霜華點鬢根一水宮商風自激千岩圖畫日將昏詩因寫景窮飛鳥渡為傷懷讓斷徠南地已銷雙隼埃月明今夜宿何村

斯文李先生尹孫出牧國原未幾政通人和
乃重修西軒恢拓舊規頗覩密輪奐其西笑
路出名區謹和故安相公崇善顏用代賀慨
城裏簾櫳縱復橫更修西閣眼增明華譙角咽曙
光動燕窠香凝秋意生漢水中冷傳古昔于仙舊
調屬昇平我來觀政知公德燕賀還同父老情

慶迎樓次韻

辰韓千載國原區更有層樓歷艮隅路出玉鉤森
作界地分金盞簇成圖雄風且可披襟受醉墨休
妨露頂呼西北望京何處是孤帆渺々接平蕪

十六日舟過鷓鴣岩暴風雨疾雷舟人皆懼
遂泊新勒寺下宿于寺之南別室曉起主僧
智牛設飯相別登舟薄晚到渡迷津遇雷雨
旋晴乘月過禿浦遂記一日之憂樂率然成
詩牛年八十

招提清曉別老宿桂棹微茫劈寒月玻瓈萬頃伴
鳬鷺昨愁雷雨今何樂黃驪使君倚清心焉識舟
中金馬客回頭已失迷川縣葦々龍門真一瞥篙
師遙指上院道玉趾當年凌磅礴白衣光恠萬人
譁恨我其時空咋舌前灘十數大灘惡人鮓獲頭

波縮雪才經狼石心忽怡更有南風飽帆腹月溪
十里玩漣漪西崖青山詩滿目帆峯高撐水鍾峯蛇
蜒遠赴龍津瀆須臾西迤入溪迷北來風駛雲蓬
勃百面雷鼓驅電毋壯哉雨點如車軸蓬窓龜伏
閉雙眼白汗翻漿裝載濕寸進尺退不能前却疑
還向揚根泊東邊虹蜺忽千丈西邊霽霧俱解駁
鳴榔緩出峽口鳥外三峯插天末江心倒蘸萬
叢柱日暈鎔金正磅礴眼中奇絕平生無羈恨些
些不須說黃昏烟火到禿浦村女砧謳縠沙磧
岸復與胡僧別直自寺僧信文同載而清月出嶺

江如刮叩舷長嘯更吳歌一日憂喜紛相集漢陂
之吟夏難和嗚呼吾意誰能測

十八日入京有懷

共食治朝祿悠悠二十春從榮曾有爵安分不嫌
貧藜藿勤常畜鴈鳩惠亦均京華吾獨返誰是與
齊人

夏日禁直應制二首

侍講司存金虎東道山高處且從容團圞紫李浮
磔椀落青松蔭桂宮未省晉卿誇畏日堪嗤楚
客賦雄風小臣擬和薰絃曲更賀南訛長養功

白紵烏紗汗正濃金華非分着疎慵日輪午駐花
陰卷闌角涼生簟影空時點牙籤挑睡睫閑聽銅
漏待昏鐘九重尚軫元之熱更許頒冰岸獄中

忠州拱辰樓次韻

李牧使名北城樓為拱辰
南城樓為南風西樓為望

京要

探討幽奇欲及晨此邦風土冠諸隣高之下之山
河秀整之斜之籬落新百里農桑開壽域幾家絃
誦講昇倫倚欄北望蓬萊近誰向銀河更問津

又南風樓次韻

明庶風驅峽雨過五原清淑此為多舟車旁午來

琛貝樓榭參差闢綺羅藥玉頻傾無事酒永微擬
和阜民歌使君寬厚真劉寵一尺蒲鞭莫謾託

又次望京樓

落霞孤鶩望中村一練澄江正抹坤明日風帆何
處發夢魂先已入脩門

送申使君允宗赴永川

襟度非惟趙魏優平陽門閤盡名流腰間纔脫三
年袂嶺外還尋二水州應使買牛無買犢即知如
鏡莫如鈎病夫白首陪香案佇聽佳聲達冕旒

題駝馬契軸

頭上我之柱後冠南臺深處共盤桓直教松柏風
霜老須信肝腸鐵石寒公事有嚴三尺法交情無
忝一尊歡他年榮落參商日好把題名指點看

送梁都事

舜卿壬寅七月自戶曹在郎為慶尚都事

嶺南山水密何地最清雄景物吾鄉勝形容乃祖
工也應江筆牘仍想錦心宵君繼箕裘風儀在
眼中

鄒事祖正郎梁汝恭有詩名
賦密陽嶺南樓詩板猶在壁

粉署稱清俊迨之入幕賓莫愁辭北闕且為福南
人節鉞威蕩濟江山與有神荒期真一瞥知子不
逡巡

題松竹契軸

吾儕誰更辨珉珉共此文明日出邦方外十文惟
少一林間七逸却添雙雨雲薄俗何復數松竹高
標不要降一榻清風真莫逆時之沽酒綴羊腔

成參議做婦朴氏挽詞

昌城門閤東方冠正寢蘋蘩季女尸却使尊童悲
冢婦西風吹動白楊枝
二男一女繞離袍長夜幽泉已墮珠仵儷之情有
誰識佳城鬱之鳥嗚呼

送林大丘壽昌

侯以七站察訪
陞堂上赴任

爭言人似玉，忽喜弁如星。寵渥今殊衆，湖山莫計程。
梧風翻別袖，竹馬擁行旌。咫尺疑川境，于今有頌聲。

送權典翰健從韓上黨朝京師

渤海之東禮義邦，有美一人筆如扛。皇猷黼黻在，其手不數陸海與潘江。燕山三千八百里，忽隨元老朝天子。天子高皇幾葉孫，卷阿藹藹多吉士。海色天光映紫闥，鵬行共目三韓使。問訊殷勤憑象，胥揭村後裔真璫。與當年應制文淵閣，揮灑曾中萬卷書。斯人今來繼芳躅，即知善保箕裘業一日。

聲名滿天下，定有圖經載家謀。歸來敷奏明光宮，夜深幾跋金蓮燭。冠玉魚金可俯拾，綸音應嘆婆娑福。吾儕斥鷃已華髮，送行只望長安日。神仙中人君即是，却恨未得為鷁歷。

柳古阜孝章挽詞

古阜父子四人皆登第夫先卒葬于金堤至是合

之

少日蘭庭秀，全家桂籍仙。青雲方袞袞，丹旆忽翩翩。故交懷三益，遐萌痛二天。迨之碧骨郡，雙劍會重淵。

送宋生負

故都事順年之子孝寧大君孫女之夫也今以疾故懷德篤居謀瘳

古托其友閑
思舊詩

乃翁吾石友今幸典刑存好索三年爰將騰育
鯤江湖尋白屋歌吹謝朱門勿藥終成喜何曾老
灌園

送大虛改觀

秋風搖桂樹正練輝駘馬駘馬日駘言歸具慶
下之居懷祖膝親黨歡滿座袞袞吾淑人奄忽即
長夜總維垂空堂弱女薦時果倘有平生魂迎君
應問我已矣無復然臨歧淚盈把
冠佩立憲子之開親顏故鄉白雲下手撫桑中

纓我今甌華髮慚愧侍從班三年憂患餘土木形
骸頑時看鑄癰涕淚空自潛平生江海志難與
鴻鴈還因君寄消息好在鹿門山

金陵雖僻郡太守有好懷况邀崔州平談笑與之
偕善源百里居可招以棕屨西成雖未豐亦足供
菜鮭假日訪蕭寺秋山當更佳將子好遊行看處
皆洪崖獬冠行復整紅塵深九街

閏八月十九日直廬偶吟

藏室蓬山昔討論十三年後更叨恩眼花正怯金
蓮燭口梗難斟白虎樽霜暖梧桐猶宰月明鳴

鵲自翻之故園松菊應無沒如母而今足夢魂

國耳室氏故長端莊所國耳以詩別之明日

亦余讀之深嘆厚倫之作其末云生別尚如

斯死別那忍說似為余設也悲愴之餘次韻

錄似

結髮為夫婦節義兩相識貧賤是逆境處之有愉

色中歲頗鳩拙巢傾雛夭折惻之蓬華中鴛鴦亦

孤宿百年詎幾何人世無得之輕舟不自固鄰里

竟兩泣出見閨閣女柰此粉黛恥雖為寸廩驅家

徒四壁立掩抑伯通庶深情向誰說三復厚倫詩

增予晨夕場

閏八月二十五日扈從大駕謁光陵過

豐壤宮夜猶未央

中宵清蹕動三更三點動駕霜露感將攬缺月明馳道駕至

先農壇先農壇出奇香滿馬車風歌戎士弁泥濺侍臣裾雨

臣馬臣馬途有泥淖臣馬一侍已過離宮測天星尚未疎

光陵陪祭有作

青門六十里鬱之氣佳哉林場神孫謁紛綸大

業培漢儀陳玉寢堯顙映山壘谷鳥鳴如頌王

膺萬福回

閏八月二十八日移居林大丘壽昌宅登曲
樓周望城中蓋宅據明禮坊之第二麓斗起
之地城中萬觀一舉而盡遂欣然操筆記所
見凡六十韻附北牆有華堂別館連亘數坊
乃密城君宅也

孤蹤自南國野性忝簪紳雖有一束書尺掾不庇
身城中幾屋廬盡我居停人有時被驅逐東西漂
轉頻病妻挈兒子白日蒙縶巾羸僮困負擔腰脚
未得伸七箸或失墜巾箱日益貧惟有折足鐺乃
吾生所因陶泓真耐久相隨響然臻栖遲三十年

竊嘆箕獨神向來在嵩雋永失北堂親三載伴猿
鶴自分甘沉淪豈意誤皇恩復玷侍從臣入洛頗
踽踽鰥魚夜難晨賃屋南山下騎驢堪卻申比鄰
朴與李俱非白頭新吾所寓乃李遂初妹夫樂安
東遂初所許借丑則吾居焉庶免盜所憎旅橐無珠銀
隔牆祛篋兒亦是橫目民欺我不徹戒使我欠酒
緡就擒乃天道惡詈恒反唇南隣有稱別侍爵金
夜踰墻入盡偷吉貝布而去青氈固無恙小纓何
足嗔秋風忽凄冷食鐵刺卧薪係之林大夫達邑
馳朱輪空宅許見處義興骨肉均門巷甚靜謐安

頓將淹旬後房爰且與前閣宜延賓閑來上曲樓
回首華嶽垠城郭四繚繙觀闕何輪囷左右廟與
社高處是中宸文昌領百司環衛嚴勾陳市井錯
如綺萬室編魚鱗間以九軌涂車馬若雲屯草木
爭斐亶岡阜蔚嶙峋岌然弘福寮白塔巖瑤珎金
碧儼勤政蕩之凌秋旻閣道走東南北折仍逡巡
崇樓據其衝鐘鼓開重闔一川自流惡蜿蜒銀漢
津是時雨初霽九陌無纖塵飛鳶翅不動只聽風
中呻鴉飲太室松棲鷺羣振凝睇至日暮塊若
凍鴟蹲俯覽北垣底甲第少比倫鉅砌富花卉攔

楯盡瑰珍連綿跨數坊意欲蔽星夜徒將十金產
折閱吞旁鄰炙手勢莫當何曾輕笑頻八珍每方
丈笙歌秋復春王子忽徂謝後胤俱顛隳空堂但
遺像飢鼠拱文茵馬埽已荒廢井甃亦將堙想應
結構初用意頗艱辛要為百歲計肯顧仁不仁吁
嗟天道公難保莊生椿豈如一介士鳩拙任其真
看處安樂窩天爵惟持循但願君相明風俗竟
還淳居然謝簪笏行歌寂寞濱蝸牛自休殼鷗鳥
誰能馴置之勿復道且飲盃中醇

送光州朴牧使榴

應為遐萌輟鸞班一麾休恨出江開海陽舊壤雄
南服瑞石高標冠衆山曠度不教廣吏謫良民宜
賞舞腰彎問今尚有甄家俗赤子龍蛇亦甚難

甄萱初起於武珍後
都全冊武珍即光丹

佔畢齋集卷之十六

佔畢齋集卷之十七

承政院應制謝賜鷹

惟茲鍾山禽猛氣資金方風雲協亭育永甯何其
剛雙眸轉明星六翮搏飛霜碧霄可凌厲百鷲勢
莫當竒才世所玩忽辭千仞崗虞人固多巧羅網
遭遮防居然就羈束致之金闕傍承恩欲逸志將
效羽獵塲聖明勤政治兢戒禽荒萬機不自暇
久已罷五坊輟賜侍從臣鷹也為悽傷宛作愁胡
態側目仍軒昂顧臣薄劣材夙遭鷗鷺行多年蒙
外翼叨依日月光青規深且嚴旅進空趨踰愧之

馬勞孤負紫荷囊何圖決雲翰來與恩風翔條
銳光粲之輝射百步墻苟能謹搏擊何須羞鳳凰
但思飢為用不患飽則颺狡兔營三窟此日應深
截感荷遂成詩庶以期贊襄

延安金侯榜臣身嬰簪組而志在江湖卜等
于交河之深岳山下前臨漢水距海門最近
潮汐往來帆檣絡繹其湖山魚鳥之樂可無
讓於龜蒙之甫里君復之西湖侯遂有終焉
之計倩畫手摹其勝狀于中華之側理宗直
覽之為賦此詩

深岳前村海勢開退居心地覺恢之卧看門外千
帆過醉拉園中十客來應有親交基賭墅不妨俗
叟釣爭隈何當徑赴孤山約明月清風自溯洄
金侯既置深岳別墅又尋幽寂之地得於負
兒岳北水回之洞山重水複柳暗花明雖李愿
盤谷子真谷口想不能出其右也又使畫手
摹之宗直以為深岳之居於曠宜此則於奧
宜曠之飯也即奧之飯也即曠可以交養
浩氣矣復題此詩

洪福山前碧玉流繁林百折抱菟裘園深宜養子

頭摘野曠堪容十具牛谷口風聲非落莫盤中物
色足淹留塵冠彈却吾將老秣馬膏車共往遊

送朝正使李叅贊克增代其姪作

朝正使者戒征輶阿大中郎問望優舜樂聞來同
率舞周封歷遍慎遨遊新年雲物將供眼長路風
霜欲弊裘家謀定應天下識莫教文烈擅名流

題駱馬圖代作

光化西街築白沙乘駱日之趁槐衙清班合作椒
開口盛世何論獬觸邪金石矢心無物間風霜入
面何誰誇從今歲晚休相負世態年來不滿嗟

驢客點綴從教作白衣

初二日入懸竹山

立鵲低昂雪勢仍烏皮几穩燎衣稜窓攏竟日冲
冲響村北村南盡鑿冰

初三日曉霧

苦霧滿天地凝寒來刮膏平時不見曉今日正垂
珠綴樹唯穴稼趁林盡瑞鳥東峯朝日映委纏然
吟鬚

陽智逢驪興崔教授壽聃寄神勒牛師

一牛鳴地蔚藍天千尺浮圖入紫烟倦客曾煩香

積飯高僧每坐少林禪白鳩款々樓前舞明月團
圓水底懸他日扁舟更南下蒲帆當泊葛洪川

送金安東元臣之任

朱轡緹騎遠分憂嶺嶠之南古福州袖有絲綸行
莫懶風存蟋蟀筵宜優北梁臘雪侵銅虎東郭春
梅蘸土牛一片仁心荒政舉何妨醉倚映湖樓

十二月十九日立春五殿門帖字奉 教撰

上命額

幾積宮中一線長佳辰袞々又青陽風催藩柳將
舒眼雪逗園梅暗吐香戴燕迎春非所屑含飴為

樂未渠央千岭日享三牲養須信時平庶事康
女中堯舜頌聲長况又青丘日載陽金殿稱觴仍
臘味玉盤傳菜已春香東華雪霽輝長樂南極星
明照未央自是大家隆孝理海隅黎庶遍懽康

右大王大妃殿

玉燭佳辰次第回慈闈深處五雲開誠懸長樂申
申侍福趁新春鼎々來京室弋綈思欲媚唐宮綵
樹若為裁三韓文子無文母紀德須煩紙萬枚
星紀纔窮木德回宮官獻歲繡闈開寒梅弱柳商
量吐暖律韶光一併來壽酒惟承元后笑綵幡應

為百僚裁年之長享川增福海屋添籌又幾枚

右仁粹王妃殿

長信春回玉漏遲韶光忽已滿宮墀德音自與親
情協大練還將染色宜勝裏金花寒亦裊釵頭綵
燕暖先知婦儀慈範人皆頌福履今應綴之弥
鵬雪初殘日漸遲內家相引瞰瑤墀曾修陰教徽
柔著終嗣慈儀福履宜一氣韶華葆琯識四方農
務土牛知吾王孝理超今古贏得東朝意益弥

右王大妃殿

勾回木德奠方明妙舞雲翹已九成寬大詔頒享

渙汗陽和令具屬升平果恩影外萱芽吐鵲鵲聲
中雪意晴澶漫三韓無箇事高呼雷動鳳凰城
東郊迎氣日華明唱得青陽曲已成慶協天人皇
極建恩覃海嶽泰階平風雲濟之渾故美梅柳欣
之競弄晴育物對時能事畢懽聲如沸達邊城

右大殿

淑氣茲辰滿禁闈煌之榆翟邁前徽仁作稷木猶
知警心在公桑庶莫違爭獻繡紋衣課進靜修陰
教佩聲稀恭惟盛美輝彤史好趁新年頌壽機
闕睢美譽播彤闈詩史芳規更慎徽覆育乾元宜

耳齋卷十七
有助資成坤道肯相違青絲白玉盤中簇翠羽明
珠帳裏稀贏得嬪嬙慕陰教爭將椒頌薦春機

右中宮

除夜即事

雷鼓嘈々笑語多東家西舍正駢儺幽人忽罷江
湖夢起吸風爐雪水茶
癡奴強欲效比鄰茗帚揄笑且嘆窮鬼貧神終
不去只消驚動夢能人

癸卯元日迎祥詩 上命額

龍躔繞易次天地便王春繡闥桃符換瑤觴柏葉

新宣乙亥泰慶亥乙亥生仁願配西王母千秋保
一人

右大王大妃殿

泰道三陽進韶光一夜深頌花占壽筭生物識天
心至德承長樂慈功泯大音含飴弄孫子萬歲想
如今

右仁粹王妃殿

歲律今回幹青陽第二通東朝春更早南極尾方
中玉琬蟠桃碧瑤階瑞日紅怡愉隆母道眉壽正
無窮

右大妃殿

閭闔三元節君王億萬年椒花明漢殿
天虎拜彤墀下嵩呼彩仗邊祥光時繚繞
非烟

右大殿

中壺祥雲擁高穹斗柄斜三元方應律
花樛木恩常逮螽斯福更嘉徽音自不已
難加

右中宮

送黃海道權都事景禧

忽膺命舉赴棠陰西海即星已照臨
歲且飢荒須發廩官無儲倚實寒心
春風浹沱詩堪輯瘴霧薰蒸酒可斟
盤錯正君游刃況今方岳有知音

晉山君夫人安氏挽章

詩禮興寧有自來夫人士行女中魁
台階蕩々犀方暈震木蒼々桂又開
鸞詒幾曾隨雨露魚軒今已委塵埃
欲知伉儷情深處鵬盡吟魂不在梅
共道天姿淑且仁閨儀閭則世無倫
兩家尺五真相敵萬石僮子熟謂貧
繡閣簾櫳渾舊夢名園花卉又新春
雲輶冉冉故何處應伴瑤池戴勝人

送金直長駿孫監察驥孫榮親于清道

虎圍當日策羣英黃甲登庸弟與兄
勝眼白來故國器班心特地振家聲
雪殘衆魏恩綸出春滿琴堂壽榮傾
况有解元充秀拔榮觀誰似老先生
首露雲孫炯々輝琅玕柱腹正雄飛
清班已踵鵠鷺列故國遙披錦繡故
蓆帽簷輕踰嶺嶠挂枝香動滿庭闈
九重獎勸如君少鼓舞鄉中幾布韋

送趙判官達生赴永興

憶昔與君登木天譬校萬卷蟬魚編
中脈望不自識却恨仙分難夤緣一麾
我向頭流謫君倅雞

林間玉笛聚散如今十載餘念々又別
長安陌犯寧聖朝豐沛鄉海山秀氣雄
朔方濬源殿裏真人對越如在神洋々
此中為政敢少懈要使遺民免彫瘵矧
今方伯多雅懷相得何曾因紹介紫參
青鐵肯求羸野戍山棚皆力耕家々歡
暢協氣應麥穗有岐朱草生老夫尸祿
忝太史山林來往聊尔々需君報政當
大書卓魯龔黃奚獨羨

人日朝講後中使傳宣賜酒於承政院

家々踏板響如雷知是新年人日回收
拾老懷趨壁府霑濡講舌上銀臺但知
雨露渾身尔何用笙

歌聒耳哉自古遭逢今日少諸公鼂勉和監梅

上元賜酒於後苑應制進退格

又是傳柑節東風料峭寒玉觴傾蟻醕璧月映鰲
山萬歲君王壽千門父老歡夜深扶醉去車馬正
班

又代人

佳節已三五韶光連上林谷風舒柳眼宮醞灑盃
心月轉鰲山峻香飄鳳闕深金吾臣不怕故恐斗
牛沉

又代人

新歲佳辰來陸續大平民物共懽康宮中擬進霞
觴壽月下何須火樹光習々條風吹暖律煌々格
澤表農祥畝家更與妻兒笑海上霜柑滿袖香

二月初六日冊封王世子將以初九日宴羣
臣於勤政殿

吉日春宮策禮成鑪烟旖旎絳袍明前星少海孚
暉閨解雨需雲助發生監撫有推端國本謳歌如
沸見輿情太官先甲須供具黼座行將宴鹿苹

送居易從上黨君如京師

李君東方秀翺々棲梧鳥端世豈孤騫華問自璧

治十年金閨籍銓翔脚不掉道山風日清詩書究
幽眇吐語盡元間笑却羣雌鷺左右無不宜三事
此其兆吾 王有震器勇挺輪暉表正名請天子
前烈庶幾紹元老遂命選君為介佻出門萬里
途快於鴻鵠矯八站路遙遲三汊波浩濊瞻彼醫
無間幽并青未了弭節玉河暮莫贄金門曉清班
百蠻上誰謂國禍小海旭映黼衣紅雲時繚繞變
龍共驚覩不翅汝陽條帝音頗密勿飲以天厨醪
觀光富佳製陽春和者少專對乃緒餘毛遂猶重
趙屈指竣事回鴨江紅糝蓰繫余忝下僚驚駘厠

腰裏平生坎井底曷識雲天有安得兩臂翰同君
賦選眺揜袪不忍別桃李月復皎但願慎跋涉慰
我憂情

送朴高城始行之任無東祖諫

東海稱名郡南宮輟望郎四仙留物色五馬有輝
光政賭慈闈笑春疑燕寢香粉榆即咫尺何異錦

還鄉

郡有四仙亭四仙即
新羅永郎等四人也

大蘇吾所慕金石分曾深一夜山中話三年輦下
心烟花供落拓嶺海恣登臨獨飽鯨魚膾如何玉

尔音

庚子十月祖謙時以安東府
使過余疑川廬次一宿而別

禪僧遊朴溪圖國耳索賦

銀河一派瀉秋空下有馮夷萬丈宮笑殺老禪生
酒興夜深將跨赤鯁公

三月三日與士庶士謗遊先農壇北朴叅議
安性繼至

松陰壇壝靜正值浴沂時不隔同年面長吟上已
詩鳥隼銜小草紫燕蹴遊絲把盞仍觀物天工豈
有私

晉山君挽詞五章

門地高華又甲科晚年勛業擔山河押班知印公

能事竟天選於理則那

陸海潘江筆不貧驪珠萬斛若為珍九重許續青
川藁纓下風流照後人

百年同穴竟堂堂伉儷情懷詎可量我識公非荀
奉倩却教人道鳳求凰

受知齟齬自鴿原與德笑渠蓋水繁折得一花謀
我笑當年雅量路人言

遠含昔日勉為臣野外詩筒遠亦頻十載至今追
薄祿忽看飛旄倍沾巾

題李秀才梅溪圖

溪在豐德郡西

卷十七
三
滄海茫茫，擄米身幽居落。小溪脣兩京縹氣遙，
相引一舸清風自不貧。鴈嶼鶴汀無颶母，棗林桑
泊有鮫人。此生隨分漁樵足，肯向開河倦問津。

本館西墻下有梅一株三月始開

槐花欲黠杏花飄，却得隈墻映柳條。惆悵終非文
人行紛々蜂蝶苦相撩。

東墻下有花如千葉紅，桃而色有淺深同。僚
云此乃紅梅，然殊不類於梅也。

墻陰花氣晚胚胎，不是東君緩々回。搜討官黃正
無暇，豈知窓外有紅梅。

京師以麴貴，沽酒皆惡通德祿。俸小多造麴，
釀之頗香烈，獨酌述懷。

白髮蒼顏與世疎，蛾眉班上強躊躇。詩書舊業戈
眷忝翰墨，新功懶祭魚。澁眼却慚岩下電，枯腸不
耐兌頭蛆。自斟自酌成狂笑，歲晚如何憶孟諸。

送李節度李童鎮鏡城七首

北門真可展雄圖，說禮敦詩邵大夫。幕下更須文
武士，折衝樽俎得人無。

綠鬃金魚紫玉珂，如公建節古無多。奚關月暈休
淘虜，豆漫水澌好雅歌。

漢將下策馭燒當乍叛還降不可常只有張公操
術簡黃金如粟馬如羊

三箭奇功豈足收吾王不要月支頭西來拈矢
應千束賴有平之定遠侯

勝日巡遊看海濤幹東之下屏腥臊鬱葱鰲背千
尋矗尚有周家陶復陶

尹相前朝拓地遙至今功擬霍嫖姚無人得到先
春嶺何異冥之銅柱標

千里干城付與公吾儕合作臺書虫邊頭無警天
心喜濡筆當銘鎮靖功

大王大妃菽引日霖雨不止 六月初三日

柳車欲動值愁霖誰識吾王此日心羽葆皆翦
泥亦濺輿梁盡圯水方深劉雲誰得看紅日挽繹
人將度碧岑猶免史臣書不克悽之百里雍歌音
大王大妃挽章

坤育垂三紀煌之社稷功行籌慶王母簪柰問天
公黼袞攀號劇鯁岑涕泗同帝鄉應會合為樂想
融之

右一

微音符摯仲厚德應坤元倪姝升中壺揚鴻佑聖

孫三韓文母最萬歲壽星昏迢迢南巡仗懷之僚
九原

右二

早協捫天夢俄徵翼日祥人談女堯舜國倚母任
姜長樂辭榮養蒼梧共壽藏微稱二十字真可配
寧王

右三

鈴平流慶遠京室壺儀全盛烈聞提甲神謀看補
天蒸之長樂孝忽之帝鄉仙廠衛東郊道臣民浚
迸泉

右四

塗山能翼夏摯仲正興周節儉刑家日憂勤鍊石
秋湯泉空喚鶴夜壑不截舟却耐蒼梧野雲烟處
處愁

右五

毓慶自鈴原承乾地勢坤一言宸極定三紀母儀
鼻素素悲髮髻蟠桃墮壽根懷風廠衛動摧慕觀
神孫

右六

世祖家為國功存十亂中斷鰲安厚地扶日上蒼

穹庶享三朝膳爭呼萬歲嵩那堪豐壤路蕭瑟動
悲風

右七

佔畢齋集卷之十七

佔畢齋集卷之十八

聞善源移疾隱几戲贈

善源時為惠民署教授訓醫女

肘後千金喜有師醫官烏得更尋醫春愁百指爭

九藥正好憑欄做艷詞

又

時余承命監印太學中庸在典校署鑄鈐為大字

金華法從鬢成絲薰得芸香眼欲眇笑看燒鈐為
活板鴈行千紙影離乙

次司饗鄭正永通韻

小鑪鈐永字成胎數墨尋行澁眼開忽得蔗漿金
盃凍清風知自太官來

鄭正用前韻寄來復和

剖却明珠老蚌胎長吟賸得好懷開禁方更有逡巡酒誰遣香隨步武來

鄭正自司癯院步屨來話且有詩次韻

水閣西頭略約橫一旬梅雨未全晴寒衣步屨來相覓只為同題鴈塔名
芸香閣上倦沉吟深感同年數枉臨滿眼官黃未搜討煩君端的導幽尋
詩騷草々失雄奇何異街頭沒字碑月露風雲俱是癖如逢秦政合收司

始皇收司之律千古奇刻年兄之好時樣僕之嗜奇古均為病也若值始皇則亦當連坐故云尔

和鄭正二首

曲江苑裏共蜚聲今日相看眼更青老大營巢吾燕々康剛嗜酒子猩々

鄭詩云逐日每尋阿刺吉前身却訝是猩々

滿溝鳴溜玉玲瓏覆苑愁雲墨淡濃唯有華山回翠黛晚來故々入簾櫳

鄭正在芸閣西廳讀劉賓客金陵懷古詩使金正字

壽延

問余以鐵鐐沉江之江是何江也

書二十字以答

江出岷山下其源才濫觴石頭城底海萬斛載龍驤

和司導副正金孝夫名閨宗

共向青雲步之遲君如北斗我南箕休將世態悲
蒼狗只嘆頭顱馳素絲大學中庸雖已遍一莖六
穗導應絺裨梧不為先秋落却帶詩來侑我卮

孝夫題大
桐葉而寄

用鑄字印鄔望垂老十詠以寄林元翁元翁
有詩云贈余十詠問何由次韻

四十稱翁歐九在贈君十詠豈無由詩書昔日青

燈味齒髮今朝明鏡愁

盧氏馬氏自同里西山鶴山誰偽真二年變桂復
炊玉固識君非齒齷人

次卞伯玉

輦下身迷五色雲故人音信杳難聞今朝忽得藍
溪素字字吟來宛對君

與君同甲再同官間闊難成一笑歡遙想藍溪之
九曲風烟千頃老儒冠

六月十四日貴人二十餘自光陵冒雨還闕
入自建春門哭聲滿路

一掩玄宮下翠微承恩舊事夢依之建春門外溪
流咽不為霖肥為淚肥

立秋日理髮有感

種之星之不復青只冗林下擇冠清今年又被梧
桐惱一葉颼來白萬莖

書都摠府郎廳契飲圖

豈須天屬始同襟環衛相親義分深共撫蒯緱巡
禁旅時陪玉輦厠朝簪八人誰是非投漆一信由
來可斷金各保歲寒崇令德莫教黃口笑蓬心

和副天使韻代人作

七月十六日宴使臣于慶會樓下天使令頭目

葛貴作詩以進
上令承旨等次韻

華嶽遙連萬壽山吾三尺尺對天顏左鐺勅使臨
池閣北闕仁風滿海寰好鳥聲交琪樹上游魚影
動黼屏間煌之畫繡須行樂羸取方壺一日閑

恩除直提學

七月十日堂下三品
官直提學必押班頭

隨例承恩足駭時誰言曾此押班遲葫蘆依樣
模堪笑鼯鼠汾河量易知黃卷聖賢真負之彤闈
顧問但期之室人只喜添紬布寧識官尊道更卑
八月初二日禁中大風雨簷檼床簟皆掀揭
但無雷耳俄聞坊曲水大溢

雲景今朝乍異同，垂天鵬翼遍城中。雨如海倒驅人急，風自坤來拔木雄。噴薄街頭誇水伯，怒噴屋角欠雷公。秋禾滿畝離披盡，無奈宸心惜歲功。

代人送平安道節度使鄭東萊蘭宗次韻

面捧綵綸下玉墀，台文籌畧守愚詩。榜中龍虎交符日，塞上貔貅偃甲時。盧矢彤弓明主貺，輕裘緩帶異方知。霜前白鴈方南翥，休惜音塵慰夢思。

東萊與前節度使李克均同榜

明妃塚進退格

漢帝本求傾國色，明妃何事落氈庭。自緣薄命辭

雙闕，不為無金誤一生。夜月龍沙魂脉脉，春風馬鬣草青青。胡雛終牧猶膜拜，何況中華過客情。

家隸自金山來，問知景瀛堂下池。荷盛開乃方訓道，興移其家池之蓮也。初栽三四根，而數月間長王盈池，遂寄二詩於方君，以為謝堂下污池，只綠萍景瀛曾是寄空名。如今見說披雲錦，恰向方君手段成。方君相愛曷容言，粧點吾堂耀一村。他日池邊成對酌，碧筒諧笑定喧。

奉和四佳相公寄題李叅議堅義積城別墅

韻叅議之婿成叅判俊請賦

雲裏飛鴻不漸磐紛之誰更管忙閑尊盧日月風
烟遠抱朴林泉水石寬問字僧邀松外寺養真鹿
伴屋頭山秋來小熟征收竟只拾鵝毛禦歲寒

進退格

抽簪返芻早歸東不欲遊於羿彀中快活生涯依
十畝升平時揀付諸公機輶桐帽成真隱士銚窪
樽有古風笑煞清平李居士黃冠歲晚却談空
三牌聲績徹鰲頭早向山中萬事休點易乾坤生
敏悟入城風日助清遊一丘一壑黎枝半醉半

醒靈玉舟盛世功名爭竊吹如公強項得聞不

君昔守交河縣用羽牌繫牌牛其牌最急事
用羽次事用髮不急則用牛其他政亦異
於人頗著聲稱世宗時嘗下陂廢之與
不樂仕上居積城之東紺岳山下陂與世
信宿而還入京

贈李旌義暹

平生壯志托蓬牕龍伯天吳罷擊撞忠信自能輕
萬死風儀贏得照三江中原樂土稱揚一東海奇
男山子雙帝許旋歸王擢用愧余史筆不如

扛旌義

以今年二月得代還京海中遭風漂蕩達
大明楊州府六月到帝京七月與千秋使
日詳聞其語因得其為人贈以是詩○時

上持加通六資以宣畧將軍超禦侮○禹貢錫州有三江通鑑有揚一益二之語

挽京畿觀察使李公吉甫代作

亶之青雲器多聞以潤身斯人無復見我輩竟誰親
明月鄰家笛清尊藥玉塵東門供祖較猶得集朝紳

次方訓導

不是瀛溪亦有蓮橋亭風月尚依然中通外直無枝蔓
老子如今抵死憐方君分我華峯蓮聞帶瑰尊笑輾然從此不負羊
酪羹紫絲風味絕堪憐

次伯玉

溪山隨意發登之想得風懷老更增可是君家詩料在鷺鷥飛上大孤層

曾向頭流項上登天高地廓覺尤增何人更說為山事拳石徒勞進一層

送鄭寧海仁耘次四佳齋

海上風烟又一秋休將書劍說閑愁如今正少籌邊事况是無監有蠓州

海色天空上下澄望中樓閣矗層之觀魚不與方壺隔好拉飛仙把酒登

題迎接都監西湖飲酒圖

供務餘閑樂事新西湖鵲鷺亦堪親天公寧阻方
洋興我輩元非落魄人小巖班荆傾綠醕扁舟撒
網薦霜鱗年々此會休相負恰有風流播縉紳

送南判官序

濟川亭上促飛觥云是洪陽別乘行黃帽艤船將
日仄皂衣數馬却心輕道傍泛菊鄰州餞驛外鳴
笳候吏迎牧伯曾吾京兆長為言岳白竊虛名

時守令發京憲府必遣所
由數其騎從及駉數

辛丑歲僕嘗記夢與金監察係行相遇事前

年被 恩命還京再與金君遇終不言夢事

今年秋金君以事不容於朝出為高靈縣監
雖非程驛之任余之夢果有徵也遂語其事
金亦大噱仍用前韻賦二首聊以贐行云

伽倻古勝薛謫宦勝封留筍鰕供厨興溪山與目
謀風淳毗保靜官冷屋廬幽昔我趨庭處絃歌待
子游

郵官非是識桃縣足淹留正協三刀夢難營二頃
謀簿書寧局促花竹更清幽欲訪儒仙跡伽山峙
上游

早齋卷十八
初直銀臺

江湖蹤跡強從容，三耐烟花紫禁中。今日銀臺初
褻直，耳邊宮漏較丁東。

俞居士蔭挽章

醞藉俞居士，鄉閭孰不欽。家無三釜粟，經勝滿籬
金。宰樹嗟風急，桓碑隱霧深。射陰山上月，空照棘
人心。

寄水鍾誼上人

月溪去歲倚孤篷，北望烟嵐紫翠重。寧識德雲岩
下住，至今塊夢負晨鍾。

僑居喜得慰幽心，雲外高人屢嗣音。白髮紅塵情
況少，虎溪思與遠公吟。

誼上人見和復答

寺外寒江月一篷，洞門深鎖碧重重。遙知日用無
餘事，百八弥陀百杵鍾。
芻豢翔貴頗開心，豈料山中有報音。水雪天街驢
足健，從今正好蹕鞭吟。

送江原道監司成磬叔

少昊司中讞獄回，開東雀鼠待公裁。雪霜行色掀
池嶺，霞鶯詩情鏡浦臺。叱馭有時岩狖叫，班春到

處野棠開溟洲釣叟如相問願寄江南驛使梅

釣叟指相無

冬至應制

七日朋來復觀臺向曉開黃鍾初應律緹室已飛
灰競獻迎陽機誰占出地雷鳳池波欲動俯首媿
非才

送永安道觀察使延安君李相公叔琦

並海提封控兩隅和寧曾是國陪都北門鎖鑰公
材重一路檐帷物論孚刺史風謠連絕塞會看盤
錯展雄圖謩余豹直銀臺下未向青門佩玉壺

寄鄭剛叟

兩頰霜髭想更疎窮年縲紲問何如銀臺夙夜仍
眇眼莫恠同庚懶答書

宣城盧相公

思慎

孝思亭詩卷和鄭河東

趾祈郎中頌

青鳥昔日謾回頭衮衮公侯豈肯休蘭砌詩書喧
別野鷗船星斗蘸中流五雲隱闥闥近萬樹陰
陰洞壑幽朝退幾邀鷺鷥侶風烟起向剡溪浮
崔盧華閥可前追曾閱芳塵最後期西日不饒黃
髮頌南陔空和素冠詩江風山鳥夷猶處春露秋

野起
亦豐

霜林暢時百世仍雲應繼之眼有堂構想沉思

大殿春帖字 上命額

天命吾王若耳提春回一夜發生齊湯銘誰道高
千古聖敬今看與日躋

韶顏何苦借還丹春入屠蘇破曉寒泰道從今隨
日長嵩呼鰲抃遍三韓

佔畢齋集卷之十八

佔畢齋集卷之十九

述懷

庶績之疑在銓叙哲人何嫌內外舉拔十得五
報國寧用計校王五女十手所指苟不慎人更燃
犀照牛渚天君有嚴輿論公莫謂臺烏噤無語

其二

崔亮停年始作俑循資之格又緇踵薦人多寡選
先後賢路崎嶇寧不壅取法於上僅得中坐間囁
嚅真闡茸懸衡處物付冢卿遮莫外言方洵洵

其三

老子平生志丘壑簪組低徊非所樂天官伴食度
炎涼枉碎長鑱鑄一錯精神鼓舞今已衰激濁揚
清全落莫古來負乘寇之招悵望傳雲倚高閣

鳳臺曲 昭帝上官后

秦女儼簫史日夕吹參差崇臺遺鏡奩巾袖雲披
披暮伴鳳凰宿朝侶鳳凰嬉天地以永久那識人
間悲妾淚不可忍此生長別離

古朗月子 平帝王后

金魄非白朗受此陽鳥影兩曜若合璧萬國仰光
景陽烏一搦翼金魄所不幸長年免搗藥未信醫

災肯蕭々挂已蠹雖華焉得永感嘆徹遙夜肝膽
不能靜

書楊泗川 熙止詩卷

康州南岳海北口累石為城僅如斗民稠寇近古
重鎮地雖褊小宜慎遴使君乞郡章三下忽此分
符天所借江山清奇物產饒况又毗俗安漁樵鳴
琴之餘奉甘旨壽母宛々萱不彫三千貌虎日操
鍊有勇不試爭張卷時々對酒輒雅歌手拋羽扇
親筆硯豈如前政倦拊循奴視健兒讎齊民澆海
圍山不知止蒼莖狼籍閭閻貧聖明玉女付美錦

要使遐荒皆奠枕金烏老守田野態十年去國豈
恬退為親而宦同襟調萬事不理唯坐嘯

書白雲洞詩卷 樞府李念義所居

崧山五百王氣非紫霞仙人無所依華嶽昌期萬
萬世白雲洞主追芳徽鳳城西北金盞地松擁陰
森行徑微架岩鑿谷築精舍中和之堂絕依倚石
泉冷々代琴筑澗霧簇々為屏幃朝出金魚映繡
幃暮歸鶴驚裝廢衣不將如意碎珊瑚不趁呼鷹
雪打圍或值良辰款戚畹或承寵錫趨天扉耆英
往々車接軫旋開袖幌收林霏談鋒轉換塵尾脫

袖起

綠醕氤氲蕉葉飛彈碁擊缶無不可况有纖手調
容璣僕夫倚馬望西郭畢通散盡暝如暉幽人此
樂秋復春孰謂雲林與世違生尊位峻身又健無
復平地憂危機兒孫有笏亦滿床一生足見家道
肥紫霞可作膝當屈意微白雲誰與啟

允上人還水鍾寺復用前韻以寄

飄然無住著已了六通禪白拂還金地黃精長石
田鏗々挑月杖冉々出林烟縱示維摩疾真鉢處
處宣

送李主簿赴咸吉道揚節制幕

遠赴紅蓮幕軍籌將屬君纔真武鉉亦能
文馬斷金源草旗穿鐵鎖雲氈裘今已服莫謾要
奇勛

花石亭圖為李判官 宜碩賦

李侯真箇子孫賢堂構如今不墜先某水某丘悲
少尹一花一石勝平泉玄洲風雨來西海赤縣峯
巖落半天欲識康平貽厥遠滿村烟月是青氈

書義禁府會飲圖

清時仕宦執金吾庶免人嘲賤丈夫日向虎頭看
淑問行隨豹尾戒前驅朋情不管資高下王事寧

論俸有無幸托餘閑供笑語何妨携酒醉西湖

三月三日和魚善

疑川西畔紫桑曲一片故心是指南寒盡又翻詞
九九花開空憶徑三三依違素節將深悔奔走紅
塵豈久堪白首相知公與我詩懷却羨老雄酣

寒食村家

禁火之辰春事多芳菲點檢在農家鳩鳴穀已綠
棠葉蝶飛款款蕪菁花帶樵壠上烏犍返柁菜蘿
邊又響歌有田不畝戀五斗元亮笑人將奈何

用大虛韻紀嶺南樓之勝贈崔經歷 潤身

遙臨益部動星辰勝地還應屬勝人疑水繞村藍
蕩漾龍山當檻玉嶙峋鈿蟬故能回雪鳩鷺閑
閑不染塵愧我一行仍作吏丘園拋却白綸巾

十月白菊和子真

鳴琴閣外竹籬邊剗地霜風笑粲然縞素疑裁廣
寒殿暄妍別占小春天依違金醕酬幽賞排比瓊
英伴醉眠誰遣白衣供白隨一園液雨正鮮々

月波亭探梅寄贈士庶

竹與日之繞東湖不可梅花一日無雪月輝然偏
斌媚江山勝處轉羈旅攀條未忍輕忘物紀筆何

曾賦子都七點三义春亦好問君知己有林逋

士庶家金海七點山
三义浦皆在金海

送李主簿赴咸吉道楊節制幕

遠向邊陲策馬過離亭一曲渭城歌旄頭星暗烟
氛靜區脫人空介候多避暑應拚河朔飲從禽時
度幕南沙行看來葵鼎平樂親舊爭迎白橐駝

重陽後與仲素世蕃飲酒仁王下

隱約岩巒壓市廛參差樓榭好風烟青衫青鬢小
溪曲黃葉黃花斜照邊自可留連文字飲不須落
魄綺羅筵一年今日試閑味遮莫嚴城鍾鼓傳

夜倚黃澗東軒

酒力微時日正昏危城數堞不閉門半歌烏帽憑
軒又翠壁澄溪月一痕

送全誠之赴燕

平生蹤跡似相求槐院烏臺爛熳遊惆悵名途今
始別子觀光去我滄洲

書曹伸金烏錄後

千仞岩頭月滿規老僧鐵笛倚雲吹傍邊更看君
舒嘯鰈海東南一段奇

八載魚書鬢已絲岩猿林鶴負幽期因君笑傲金

烏頂憶我方洋方丈時

寶泉灘即事二首

桃花浪高幾尺許狼石沒頂不知處兩之鷗鷁失
舊磯啣魚飛入菰蒲去

江邊宿子何日到商婦空依柁樓老挾岸萋萋送
暖香來年亦是王孫草

三月三十日

落花飛絮滿神州雲幕誰家郭外遊老大逢春歡
意少春畝更有惜春愁

和魚善

啟思霜前鴈秋聲井上桐西樞頗閑冗勝在十銓
中

左相坡平公受鉞北征姜晉山奉贐以出塞
曲五篇僕謹以入塞五章續貂

女真是禽獸跳梁東北隅天兵角六角命我以荷
之疇為登壇將左相熊虎姿慷慨赴萬里英衛甫
其誰

凌神除道路谿谷如砥平噉夜度磧賊巢覆且
傾壯士索林薄執訊無罣聲收兵戒多殺但貴妖
氛清

嫖姚喜麋戰登臨瀚海邊奇功震大漠漢卒亦多
捐迢迢混同江今日可投鞭敵愾便罷爾安用銘
燕然

麾兵返玉關百里來壺漿胡歌奏入塞部伍俱騰
驤主將祝留犁吾君神笑長一勝何足論唯以答
天王

天王重吾王吾王重吾公便蕃寵賚至赫赫攘夷
功飲至且軟脚山西俱下風分明鐵券誓終始應
無窮

金留守之慶挽詞

弱冠翹南服，攘華藝苑中。士林傾雅望，樞府有清風。
台斗符將動，龍蛇歲忽窮。典刑看令嗣，宸眷向來隆。

義分無知己，軒軒拔俗標。烏山同版籍，鰲禁忝官僚。
每切雲天泣，其如松柏凋。青門數行淚，丹旆正迢迢。

挽金僉正龜

折桂饒才望，分符慎教條。如何經術士，倏謝聖明朝。
萱草風霜老，輜車嶺海遙。鄉閭應雪涕，墳土酒頻澆。

許二相瑞母崔氏挽

婉婉由圖史，三從婦道全。人間稱壽母，月裏會群仙。
已撒蚊飛枕，空看鶴弔阡。幽棲瓜葛杳，相挽重潛然。

重九獨坐無聊，妻勸菊酒三杯。是日百官於昌慶宮賀，仁粹王妃誕辰，余以病未赴。

病阻坤寧慶，伶俜入睡鄉。歲饑陽九值，酒貴斗千翔。
內子真佳士，黃花亦國香。莞然成一笑，籬下罄三觴。

是夕又對月

前夕規纔半看看弓欲彎南窓時矯首末夜更怡
顏遠跡仍急衰螢度復還脩然再采興猶可却
詩斑

送李判官績之任

李自正言移禮曹
佐郎未幾出補

翩翩別乘帶方州粉署微垣望已優北闕軫饑纔
有命南宮惜去竟難留府衙上日排牙板農野巡
時問鐵牛羽翼使君忠恕在野聞歌頌殷頭流

送金牛峯嶸之任

君是芸臺舊參辰會合難久為庠序吏纔着準繩
冠坐席何曾暖閑琴自可彈西郊秋日澹離思更

蘭冊

山水清幽地殊非去國賒弦歌何可負厨傳不須
誇宸響千家抒應裁一縣花如今荒政急誰挽使
君車

刑曹郎署送羊肉

白雲司裏肉如山分飭貧家首箸盤踏盡菜園顏
更憐鄰人錯擬煖卿看

御製望遠亭

華亭翠靄間雲物盡圖看翡翠流春渚芙蓉削雪
巒一毫明物象萬景極遊觀天借無憂域終殊一

釣竿

湖上新亭好風流作勝遊
几筵延紫翠樽酒散繆
悠醉喚三湘夢醒迴六月秋
雲山望不極高興動
滄洲

勝景古難得昔人賢不多
華亭非媚目樂事但因
和風月增詩界烟雲壯醉窩
笙歌歡不盡天地似
為麼

望遠高亭豈厭遊綠陰松外盡
滄洲滕王傑閣同
兒戲恭穆危樓寔婦謀
風月卷來雲夢夕水雲看
過洞庭秋人間信有瀛洲興
尊畔應消萬古愁

混蒼巧妙本無形
正出烟湖入畫屏
江色灑涵僧
眼碧山光濃逼佛頭青
簾幃翠濕西山雨雲樹晴
搖白鷺汀吳楚天邊何處是
浩然清興一華亭

西湖亭子趣無窮
况不羊裘遁世翁
禹斛清輝行
地迥一團和氣與天通
江山滿目開圖畫
風月依人活化工
半醉凭欄心更逸
落霞孤鷺碧波中

亭興雙眸豈盡看
雲容水態盡應難
晚涼江雨初
晴後更好山啣月上欄

浩浩乾坤思不窮
一亭高趣水雲中
登臨幾憶拖
源客欲問仙家興異同

恭和 御製望遠亭詩

退食五雲間江山倚柱看冲融
逴浦淑迤靡列岡巒地勢西南折
天容上下觀野翁爭席罷落日在
梳竿

王子愛清曠乘閑或譙遊河間
聲籍鄴水思悠悠排比詩中景探
支鴈外秋華賤有寶唾飛灑白
蘋洲

食客屏珠履西湖乘興多秋涼生
薤葉江調寫雲和月效梁王苑終
非邵子窩古來宋室傳公視盡
公麼

應共應劉辨勝遊綸巾羽扇俯芳洲
玻璃影動魚龍戲擺尾哇空鴈驚謀
兩岸行人官渡晚幾網商舶海門秋
月明如聽湘靈瑟月羨盧家有莫愁
結構鰲頭控遠形八窓遙迤展新屏
檻前朝海楊花白郭外攬天毋嶽青
小市人歸撐畫舫遙空鶴下颺回汀
翠華昔日曾觀豫此是西郊喜雨亭
乾坤納一莽難窮一片樓臺壽醉翁
地接鳳城烟樹合江翰鯤怒海查通
漁歌嫺悲珠客宸翰煌煌伏弩工應
有野人來撥棹鄂君香被月明中
川原百里捲簾看勝地還應具四難
羸得東平為

善樂不妨携酒日憑欄

詩材盡本不曾窮
濟水麗山一望中
亭上高人頗
徙倚襟期真與海鷗同

同前代人作

身在洞庭間
川原特地看
輪蹄迷故渡
霞鷺覩遙
巒物候春秋異
天機日夜觀
韓公真局促
溫水謾
投竿

咫尺闔閭外
非關汗漫遊
江流真衮衮
人事儘悠悠
日淡牛羊夕
霜飛草木秋
曲欄歌吹發
搖蕩荻
花洲

西湖遊眺處
形勝此亭多
雲物鄰陽谷
風流似永和
都人談絕景
王子作行窩
世上丹青手
終能貌
取麼

日向西湖取
次遊
鳬翁屬玉滿
長洲
峯回如借移
山力
亭勝仍誇體
物謀
潮勢崩騰疑
萬騎
天機融
結想千秋詩
成更聽桓伊
笛
不獨清樽可
掃愁
海口山橫目
始窮
偷閑相伴釣
魚翁
子安一筆雄
文就
李白三盃大
道通
負嶠方壺招
羽客
清風明月
倩詩工有時
款
移雙槳
薄晚維舟
蘆葦中
江邊品物正
流形
江上高人搥
綵屏
野鷺露寒收

歟紫海山雲破送遙青天章光射蛟螭密湘瑟聲
搖鶴鶴汀欲蕩清愁與孤憤請君携酒倚斯亭
千頃風灣把酒看新詩揮灑不知難五湖三島無
由遍領向茲亭倚盡欄
百里何曾眼界窮龍堆蛟室有無中此亭此景誰
能共却恐紅塵趣不同

次鄭觀察使

文炯

赴永安道詩卷四佳齋韻

昔年珂馬紫貂裘塞外爭歌小范優今日熊車蒼
玉佩棠陰重見召公訕沛鄉佳氣連仙島幕府雄
談付酒籌堪笑吾儕何事業寂寥燈下寫蠅頭

當時部曲送公行已擬重來負弩迎文勝更知無
武勝吏清不貴但身清樓臺蜃散波應伏關岩春
深日正晴從此北僊還富庶和寧况是錦官城
鳳城勲業合游揚積累如今澤更長朔野朔風馳
繡幃青門青眼促瓊觴衙時蕃帳誇三組休日銓
書目九行非久公歸槐棘下鐵關西望莫悽傷

竹山新客館次四佳齋贈禹使君

樹

揀字鱗々不日新咄嗟起廢有斯人山川控引東
南路厨傳聯翩小大賓誰向閭閻歌白著更看倉
庾溢紅陳六期風績民爭頌借冠誠應徹聖神

多病相如故倦遊
延昌華館最堪留
吏無夜之援
袍警客免休之
漏雨愁時把金樽
問惜竹閑吹玉
笛上危樓
主人三十年前舊
不恨功名不到頭

又次鳳樓樓詩韻

髣髴秦家簫史樓
登臨往事更悠悠
之滿山桑拓無
簷竹太守猶為鸞鳳儔

一樽談話共團樂
四面雲山更鬱蟠
明月滿樓聞
鳳吹輿僅故作羽衣看

千古州名實亦浮
天民日夜向東流
牆頭只對梧
桐樹不比黃岡有竹樓

一縣村之桃杏林
山王樂事久銷沉
楚狂有客憑
欄久潦倒能為洛下吟

東夏如今陋漢儀
樓前馳道出郊岐
高崗久擬聞
鳴鳳杜老深衷誰得知

書閔校理

斯騫

同庚會圖凡十五人

非親非故即通家
三五春秋孰等差
生世已能同
六甲遭時况復覩
重華情均昆弟寧
相與分喻金
蘭不自瑕
吉日良辰宜樂飲
西湖風月正無涯

至日昌慶宮賜宴應制

鸛鷺紛之集百僚
賀儀從古亞元朝
灰飛縹室黃

鍾動日麗金鋪翠扇搖長樂萱芽催暖律觀臺雲
氣徹清霄微臣有分霑零露多壽多男效祝堯

九老會圖而毅請賦

洛陽天下中全像為提封嵩芒北紆鬱瀍澗環洛
溶扶輿且磅礴清淑氣所鍾物產豈獨當其民多昌
丰風俗類大雅耆耄追時雍况又帝王都文物以
彌縫大唐會昌間庶幾夷四凶小康可馴致方鎮
皆朝宗愷悌白少傳星斗羅心宵晚年八節灘卜
築閑明農同社六介老少壯亦奮庸甲子雖差池
鰓翔俱令容合為尚齒飲鳩玉勤相從履道佳

竹且有杉桂松展席臨灣碕花卉春聳之衣冠盡
古製歌吹無纖穠芳新雜野蕪異味亦能重舒嘯
或擊筋起舞或扶筇遲日助歡譁鑪熏縈筆鋒秋
盧反成恨年任空佐饗翩躚與黃飛雲還故峯
彷彿華表鶴千載豈易逢亦獲預斯會異端不須
攻人亡餘故事繪畫傳芳蹤後來涖韓翁矯之人
中龍耆英復相襲羨談喧笙鏞今我壽域民觀圖
曷不龔古賢倘可作甘作朱家傭

送李觀察使有仁之江原道

勤政傳臚三十年如今鬚髮各蒼然熊幡已建關

東節瓜棗將尋海上仙
鏡浦高人應刮目
竹溪遺化想齊肩
環觀往々雖依舊
凶歲編氓但可憐

鏡浦高人指朴祖謙
竹溪指安謹齋

和全寧海白完二首

高柳靈泉取次行
此身何異馭風輕
灞陵醉尉如相問
不用擲掄隱姓名

高柳靈泉
忠州地名

大門山下看魚笥
不使鷁盟一日寒
世上紛々翻覆手
側身時復望長安

大門山在
驛休浦上

苦寒

朱夏熱既甚
玄冬寒又劇
熱因旱之烈
寒則誰為

虐一年二極
備天意誠難測
腸飢骨髓凍
哀哉民孔棘
吾聞街頭炭斛々
論全帛

并酒

城中十萬戶
井々皆拾酒
赤脚抱短絆
朝歎仍暮泣
中夜竊勺水
鄰里鬪餘漚
哿矣豪家宴
萬甕寧論直
吾聞沙平津
水不濡馬腹

乙巳十一月江陵新府使曹侯叔所自南州
還京語余曰
僕過嶺次安富驛
夢有岳神來
誦將軍行一篇
其末句云
功成一髮萬民艱
其翼日路上聞江陵之

命云之遂要余用岳神韻以贐其行

青雲飛步自賢關誰作橐韃馬上看莫恠神靈陳
樂府曾隨丞相定天山雪晴鷄立峯巒秀風靜龍
荒部落閑他日後門應建節邊功因此倘知艱
茫之青社海為關麻制分明夢罷看鳥道千層大
官嶺鯨濤一點武陵山久聞邑里絃歌盛復道公
庭木索閑聖主得人殊可賀不勞餘力賑凶艱

臘月日曹倫自金山以書報云前月初二日

書室所貯經書盡為人踰垣偷去

平生購聚纔千卷公擇山房敢擬乎蹤跡頗同累

上客詩書豈是口中珠學之苟切猶相恕責以為
資豈我徒不謹垣墉與關鎖唯應深謫守家奴

十二月三十日以暇日不仕學館欲訪無善
雪作又不果

頻宮暇日關橋門欲訪刑部終南根終南飛雪度
白嶽城市風號餐頰霧昏卸鞍却坐窓欲暝瓦爐餘
燼星之存明朝春侯已三日安得晤歌同晏溫

用四佳齋韻慰鄭子健自吏曹佐郎陞持平
諫院啓以銓曹郎官未箇滿而陞遷不可子
健遂降為刑曹佐郎

天日昭々閭闔開鐵冠霜簡屬雄才剛方取忌今
尤信百里人何不畏雷

騎省蘭臺都是春何曾捨舊更圖新巧將公議迂
賢路此事真能不快人

今年盜跖飽人肝斗米難酬錦繡端秋部得君還
可賀坐令姦細膽皆寒

朴副正衡文請題畫屏

野塘秋思日蕭々折葦枯荷苦見撩一幅溪藤描
冷澹不教雙鷺逞風標

蟄龍露尾幻花魁疑有生香石竇來翠羽啾嘈寒

篠上夜深要喚醉魂回

草龍高架正紛披應向雲霄帳裏移馬乳瓊漿誰
得似午窓咀嚼退之詩

一丘一壑占清幽首翁同來豈汝述林下辛勤謀
斗酒令人笑殺孟涼州

蘆根乘鴈恣飛鳴樂意相關不自驚忽覺滄洲高
興動傍人解道筆頭成

巖竒木老蘸淪漪似引遊人倒接羅更有十分閑
意思一雙鸕鶿睡虬枝

巖頭嫩竹伴棠梨巖底猗蘭獨自棲須信國香天

不管無言桃李易成蹊

燕尾龍雛氣味同半巖依倚獵清風
壯荆亦是他山石非理相干也不中

題工曹郎署會飲圖

千載河清世道昌同時幸作起曹郎
明霜義分休猶豫投漆襟期合激昂
共贊虞衡熙庶績肯將滌巧玷周行
由來聚散紛々事復及餘閑把酒觴

李都事義錫父母挽詞

結髮和鳴五十年鳳凰何處去翩々
月明玄圃應雙翥唯有孤雛叫徹天

千載梁鴻與孟光偕生偕老又偕亡
如何拋却鴟鵂惠不見他時易滿床

挽李正堦

政丞原之子
右尹陸之父

早占黃金榜鵷班幾歷揚箕裘真不墜
蘭蕙自能芳陳跡悲歡境清儀汗漫鄉
典刑猶足觀骨立甲枝即

挽金總管

舜臣

武略稱元凱清時出入勞湖南無鬼火
嶺表伏鯨濤春暢園桃瘦人亡禁旅號
堪知餘慶遠有子實英豪

金為長興時捕賊魁張永奇又以星州
故為寶軒為妾又嘗為慶尚左道兵使

李二相坡挽詞

廉世全非齷齪人如公奚止一家珍服膺遺澤真
表遠奮志熙朝禮樂新黼座幾曾思謹論鸞班無
復見長身謾將楚些彈雙淚韓土芒之漱泮濱

送安興德子誠

靄之黃梅雨吾髯駟騎忙寧嫌城似斗唯喜海為
疆教歲蒲羸足連村餅餌香絃歌先縣譜鞭扑慎
官常邑里挑應植朝家錦不傷平反供一笑宜築
樹萱堂

書階蟾上人詩軸

碧眼闇梨伎倆多也教詩匠競揩磨墨名儒行所
逢少簷烏階蟲瀆告何鍊句已能追皎咽希賢方
可學回軻伽耶萬疊雲烟裏借問誰人扣澗阿

送恩上人還海印戒愚荒清谷

師是長山秀三衣已策勲瘦容松上鶴歸思嶺頭
雲業白塵難深心清道可聞家風還自贅愧我不
能文

晚有誅茅志伽耶是我鄉儒仙曾傲世龜老共開
堂夢裏烟霞媚吟邊日月長主恩慚未報思與子
徜徉

次大書苦雨韻

長夏何曾一日乾萬家央漬盡驚端天翁似未分
休咎節序疑將失燠寒簾日欲穿還蒼蔚行沈纔
帖更波瀾病夫尸粟猶無奈何况專城意緒寬

送金判按

臣奉使永安招撫會寧幹朵里

年之南北拂征袍仕志何嘗賦獨勞漢節不辭衝
霧雨胡酋應已返城壕磧中草木迎風偃日下旌
旗倚海高汗酒百壺河朔飲歸來贏得玉音褒

送安判官

潤孫赴會寧

飛步鑾坡與縉雲二千里外更從軍元瑜高義朝

中選師曾清風塞上聞俎豆真堪陶禮俗韜鈴不
獨靜妖氛瓜期華之微黃日正好含香奉聖君

書宋牧使

遜年詩卷

宋侯骨相神仙人晚年桂籍名字新一蹤可冀卿
與相幡然來牧商顏民商顏雨述纔百里版輿迎
養期願親通判夫人刺史母父老頌聲喧洛濱金
魚冠玉不願易宋侯於此觀其仁我亦剖竹嵩喜
城幸與大府為比鄰孔聖有言才不才北堂之樂
均是春

商顏尚州
雨述懷德

送宋牧使

遜年

之任洪州

前後為州二十年洪陽軒騎又翩々往來滑瀘由
便道撫字規模在小鮮農野採謠追杜毋海山得
句訪梅仙去春半敘那堪說里巷忻看刺史天

送明川叔卿之任國華之弟

明原真黑誌才子綰銅章礦幽宜先化英髦已遠
揚胡山連海白塞草未霜黃去々樹風績歸含漢
殿香

逍遙吾益友眉宇想賢侯宿草堪揮涕清儀忽解
愁關防新劇縣風俗古英州六載聯芳集當從弊
麓求

送奇靈光積之任

鑾坡學士罷含香竹使遙分海一方漢水溶々搖
彩鷁秋風嫺々颭離觴親聞屢達平安信使府應
誇急就章活得還萌歸必早不須長孺薄淮陽

送洪判官洞赴慶源

看君中鵠禁園中知有新除出聖衷九陌相逢難
袞々一麾為別更忽々羗胡襍種來旁午罇俎清
談要折衝小滿光陰真掣電不須邊瑣嘆西風

七月二十二日志喜

眼有昏花牙齒盡無猶誇造物不嫌吾少於白傳纔

前疑
作紙

三歲賽却徐卿已二雛繼序唯論母貴賤揚名正
係子賢愚他年反哺將誰貢且弄明珠獨自娛

題朴部將撫譙閑居詩卷

九龍幽處抗風攬草樹溪山擁畫屏恰似東陵邵
平圃終非西蜀子雲亭提軍青海功難上策馬紅
塵夢易醒浮世浮休真自斷夜來唯禮老人星

朴少以生負為武班從北征有功不自言
退居天安九龍山下築圃種菰且以琴酒
自娛

佔畢齋集卷之十九

